



Notat

Dato: 08.02.2019
Arkivsak: 2015/11453-175
Saksbehandlar: adelan

Til: Styret for Fagskolen i Hordaland

Frå: Fylkesdirektør opplæring

Tilbakemelding om tiltak etter revisjon

Fagskular som har maritime utdanningar må vere godkjente av Sjøfartsdirektoratet. Sjøfartsdirektoratet gjennomfører revisjon fast kvart femte år. I tillegg skal maritime fagskular ha eit kvalitetssikringssystem godkjent av eit anerkjent classeselskap. Fagskolen i Hordaland nyttar Det Norske Veritas-GL (DNV-GL) som gjennomfører årlege revisjonar av dei maritime utdanningane.

Sjøfartsdirektoratet gjennomførte revisjon av dei maritime fagskuleutdanningane ved fagskolen 15.11.2018, som orientert i styremøtet 24.01.2019 i melding RS 5/2019.

Gjennom revisjonen vart det avdekka 4 avvik og 1 observasjon:

Avvik

1. DNV sertifikat utgått 05.11.2018.
2. Kvalitetsleiar manglar i organisasjonskart.
3. Prosess for rapportering av fullført maritim utdanning manglar.
4. Prosess for rapportering av vesentlege endringar manglar.

Observasjon

1. Godkjeningsnummer frå Sjøfartsdirektoratet manglar på vitnemål.

Det vart ikkje avdekka alvorlege avvik ved revisjonen.

Vedlagt følgjer skulen sin aksjonsplan for lukking av avvik og observasjon (vedlegg 1), samt dokumentasjon på at avvika er lukka (vedlegg 2-5). Lukking av observasjon (vedlegg 6) om mangel av godkjeningsnummer er ikkje fullført, fordi det vert arbeidd med å lage nye vitnemålsmalar nasjonalt. Dette arbeidet går føre seg no, og skal vere klart til våren når det skal skrivast ut nye vitnemål.

Aksjonsplanen med vedlegg vart sendt til Sjøfartsdirektoratet 06.02.2019, og i e-post av 11.02.2019 stadfestar Sjøfartsdirektoratet at dokumentasjonen er godkjent og at alle avvik er sletta (vedlegg 7).

Vidare er det planlagt ein ny revisjon med DNV 15.05.2019 av alle dei tre maritime studiestadene (Austevoll, Nordnes og Nygård).